

## Sakspapir

Saksnr	Utvalg	Type	Dato
068/14	Formannskapet	PS	09.04.2014

Saksbehandler	Arkiv	ArkivsakID
Frode Hervik	FE - 223	14/210

### Havsporthus - tilskot til drift

#### Vedlegg:

Ustyrsstøtte 2014

Søknad\_støtte\_klubbhus\_v2

#### Framlegg til vedtak:

Det vert løyvd inntil 75.000 i driftsstøtte til Havsporthuset. Pengane vert løyvd frå rammeområde 801 – Tilleggsløyvingar formannskapet.

Austrheim kommune inngår leigeavtale med Mastrevik eigedom AS om leige av lokala som Oceanordic/Havsporsenteret no disponerer.

#### Formannskapet - 068/14

#### FS - behandling:

Framlegg frå H v/ Ernst Stellberg:

1. Austrheim kommune inngår avtale med Mastrevik Eigedom AS om leige av lokaler som havsporsenteret/Oceanordic AS disponerer. Det vert løyvd inntil kr. 75.000,- i leige til Mastrevik eigedom AS.

2. Leigeperioden vert sett til 01.05.14 til 31.12.14.

3. Leigeavtalen vert administrert av Kulturavdelinga.

4. Interesserte legetakrar betalar for den del av lokalet som dei vert tildelt.

5. Austrheim ungdomsklubb betalar ikkje fo den del av lokalet som dei vert tildelt.

6.Leige av utstyr frå Oceanordic AS til Austrheim Ungdomsklubb vert fakturert frå selskapet til Austrheim ungdomsklubb. Det vert løyvd inntil kr. 15.000,- for leige/kjøp av utstyr frå rammeområde 801- tilleggsløyvinger formannskapet.

Framlegget frå H v / Ernst Stellberg fekk 5 røyster og rådmannen sitt framlegg fekk ingen røyster.

#### **FS - vedtak:**

1. Austrheim kommune inngår avtale med Mastrevik Eigedom AS om leige av lokaler som havsportssenteret/Oceanordic AS disponerer.Det vert løyvd inntil kr. 75.000,- i leige til Mastrevik eigedom AS.

2.Leigeperioden vert sett til 01.05.14 til 31.12.14.

3.Leigeavtalen vert administrert av Kulturavdelinga.

4.Interesserte leidgetakrar betalar for den del av lokalet som dei vert tildelt.

5.Austrheim ungdomsklubb betalar ikkje fo den del av lokalet som dei vert tildelt.

6.Leige av utstyr frå Oceanordic AS til Austrheim Ungdomsklubb vert fakturert frå selskapet til Austrheim ungdomsklubb. Det vert løyvd inntil kr. 15.000,- for leige/kjøp av utstyr frå rammeområde 801- tilleggsløyvinger formannskapet.

#### **Saksopplysninger:**

##### **Bakgrunn**

Austrheim kommune har fått inn ein søknad frå Seaway Oceansport Club, Nordhordland Padleklubb og Austrheim Ungdomsklubb om støtte til å dekke leige- og strømkostnader til havsporthuset. Kostander er på 25.000 per klubb. Dei totale driftskostnadane er budsjettert til 110.000. Av desse vil då Havsportlauget dekke 25.000 og vidareleige er budsjettert med inntekter på 10.000.

Havsportlauget vil stå som leidgetakar i staden for Seaway, som det står i søknaden. Dette er etter ynskje frå huseigar. I søknaden vert det også operert med eit alternativ der Austrheim kommune i staden for å gi tilskot til havsportaktørar tek over som leidgetakar av lokala. Formannskapet utsette saka i førre møte med sikte på ei grundigare vurdering av alternativet der kommunen står som

leigetakar.

Bakgrunnen for initiativet og søknaden er at Oceanordic som i dag leiger lokale til sitt havsportcenter ikkje lenger har bruk for desse lokala til butikk og representasjon. Når det gjeld det sistnemnde har dei no samarbeidsavtale med Kilstaumen. Oceanordic sine behov er knytt til lagring av utstyr, og etter drøftingar med Seaway Oceansport Club, Nordhordland Padleklubb, Austrheim Ungdomsklubb og Havsportlauget er dei kome fram til at dei ynskjer å etablere eit havsporthus som samlar aktørane som driv med havsport. Oceanordic får då framleis lagre utstyret sitt i lokala mot at dei aktørane som går inn i samarbeidet får nytte utstyret deira. Samstundes får dei andre aktørane høve til å lagre sitt utstyr.

## Vurdering

Ei opprettiging av eit havsporthus som samlar havsportaktørar og ungdomsklubben vil vere svært positivt med tanke på vidareutvikling av Austrheim som ein havsportkommune. Tiltaket vil etter alt å døme generere meir aktivitet og betre ressursutnytting på utstyrssida.

For Austrheim ungdomsklubb vil dette vere svært positivt, fordi kaihuset på Mastrevik kai, der dei lagrar havsportsutstyr, skal rivast og erstattast av eit grindverksbygg. Ein er dermed nøydd til å finne ei ny løysing til erstatning for dette. Eit havsporthus vil vere ei god løysing, fordi ein då samstundes løysar behov for toalett og omkledningsrom knytt til ungdomsklubben sine aktivitetar på sjøen.

Seaway Oceansport Club er ein nystarta havsportklubb (stifta 15.08.2013) som tek sikte på å drive med aktivitetar som brettsegling, segling og kiting. Sidan klubben er nystarta, har dei lite økonomiske ressursar. Ein stønad til leigekostanane deira i eit nytt havsporthus vil såleis vere eit aktivitetstilskot. Nordhordland padleklubb har i dag eit tyngdepunkt lenger sør i regionen, og ved å gi dei eit tilskot, vil dei få ein sterkare forankring i Austrheim og meir aktivitet her. Dette vil vere positivt. Havsportlauget er primært knytt til havsportveka, og mottek allereie kommunalt tilskot. Derfor er det ikkje søkt om tilskot til dei.

Sjølv om Oceanordic ikkje lenger vil nytte lokala i Mastrevikane til anna enn lagring av utstyr, vil dei framleis ha ein betydeleg forankring i Austrheim gjennom kontorplass i Nordhordland Næringshage og eventverksemrd med havsportaktivitetar, inkludert samarbeid med Kilstaumen.

Administrasjonen har hatt dialog med Austrheim vgs med tanke på om dei også bør inngå i eit slikt samarbeid om eit havsporthus. I dag har dei noko utstyr som det vert leigd lagring til i Mastrevikane. Dei vil då i likskap med dei andre få tilgang til utstyr. Havsportaktørane er positive til å ta med Austrheim vgs. For skulen er dette ei vurdering dei må ta, og noko som heng saman med spørsmålet om gjenoppretting av Kystfriluftsliv-faget. Dessutan vil det verte retta ein førespurnad til Nordhordland turlag om deltaking i samarbeidet.

Bruksendringa frå Oceanordic sitt havsportcenter til eit havsporthus for idrettsklubar og ungdomsklubben, samt eventuelt andre lag- og organisasjonar og skular, er sjekka ut med planavdelinga. Dei konkluderer med at bruksendringa ikkje treng reguleringsendring eller

dispensasjonssøknad sidan det framleis vil vere ei viss næringsverksemd knytt til lokala ved at Oceanordic lagrar utstyret sitt der.

I utviklingsprogrammet Austrheim Heile Livet og Strategisk næringsplan med fokus på reiseliv og havsport er det ei målsetting at Austrheim skal verte nasjonal kjend som senter for havsport, og der heilårsaktivitet innan havsportopplevelingar er eit resultatmål. Tiltaket samsvarar med desse måla. I eit folkehelseperspektiv er tiltaket positivt. Eit havsporthus vil generere meir fysisk aktivitet på sjøen. Tiltaket har ingen negative konsekvensar for miljø.

I val av modell er det fordelar og ulemper med begge dei skisserte alternativa: A) Ein av havsportaktørane står som leigetakar eller B) Kommunen står som leigetakar. Fordelane med alternativ A er at kommunen då slepp å stå ansvarleg for lokala og slepp administrasjon knytt til det. På den andre sida vil det vere ein fordel at kommunen står som leigetakar ved å ver ein meir nøytral part som såleis kan sikre likebehandling av partane/klubbane. Kommunen vil ved ei slik løysing også få betre kontroll med bruk og utvikling av Havsporthuset, og det vil i større grad verte oppfatta som eit fellesskapstiltak. Den administrative ressursbruken det utløyser skal ein greie å finne løysingar på.

Tiltaket inneber ei løying på 75.000 som vert foreslått teke frå posten Tilleggsløyvingar Formannskapet. Av totalsummen til rådvelde er det ei betydeleg løying som vert foreslått. Rådmannen meiner likevel at dette kan forsvarast, fordi dei positive verknadane av tiltaket er mange når det gjeld auka aktivitet og betre fasilitetar for havsportaktørane og ungdomsklubben. Ny lagringsplass for ungdomsklubben sitt havsportutstyr vil uansett generere utgifter. Det er dessutan heller ikkje sikkert at summen vert så stor som 75.000, fordi utgiftene vil gå ned dersom fleire aktørar som t.d. Austrheim vgs går inn i samarbeidet.

## Konklusjon

Konklusjonen er såleis at tiltaket vert vurdert som utelukkande positivt andsynes Austrheim kommune sine målsettingar. Eit havsporthus vil vere ein god tilvekst, og vil løye nokre utfordringar for Austrheim ungdomsklubb som kommunen sjølv driv. Det bør derfor verte gitt tilskot til dette tiltaket. Ein bør vidare velje ein modell der kommunen står som leigetakar.

